

Ճշգրտվող տոկոսադրույքը «Կոնվերս Բանկ» ՓԲԸ (այսուհետ՝ Բանկ) կողմից տրամադրվող ֆինանսավորումների հաստատուն անվանական տոկոսադրույք է, որը ֆինանսավորման պայմանագրի գործողության որևէ ժամանակահատվածում կարող է ճշգրտվել՝ բարձրանալ կամ նվազել:

Ճշգրտվող տոկոսադրույքը հաշվարկվում է հետևյալ բանաձևով՝

$$\mathbf{ՃՏ} = \mathbf{ԲՏ} + \mathbf{Հ} + \mathbf{Գ_{ՀԵ}}$$

Որտեղ.

ՃՏ - ճշգրտվող տոկոսադրույք:

ԲՏ - Բազային տոկոսադրույք: Սահմանվում է Բանկի կողմից տարեկան երկու անգամ փետրվար և օգոստոս ամիսներին՝ հիմք ընդունելով մեկ Հիմնական ցուցանիշ և մեկ Երկրորդային ցուցանիշ, որոնք ֆինանսավորման պայմանագրի գործողության ամբողջ ընթացքում չեն կարող փոփոխվել: **ԲՏ**-ն հաշվարկվում և սահմանվում է՝ հիմք ընդունելով Հիմնական ցուցանիշը, իսկ Երկրորդային ցուցանիշը կիրառվում է այն դեպքում, երբ հաջորդ ժամանակահատվածի համար Հիմնական ցուցանիշն անհասանելի է:

Հ - Հավելադիր: Սահմանվում է ֆինանսավորման պայմաններով և ամրագրվում է ֆինանսավորման յուրաքանչյուր պայմանագրի դեպքում առանձին, ֆինանսավորման պայմանագրի գործողության ամբողջ ժամանակահատվածում հաստատուն է և ենթակա չէ փոփոխման:

Գ_{ՀԵ} - Հիմնական և Երկրորդային ցուցանիշները ճշգրտող գործակից: **ՃՏ** հաշվարկում ներառվում է Երկրորդային ցուցանիշի կիրառման դեպքում և հաշվարկվում է որպես **ԲՏ** Հիմնական և Երկրորդային ցուցանիշների միաժամանակյա հասանելի վերջին 6 ամիսների պարզ թվաբանական միջինների (կլորացված 0.25 տոկոսային կետի ճշգրտությամբ) տարբերություն:

✓ **ԲՏ Հիմնական ցուցանիշներ.**

- ՀՀ դրամի դեպքում ՀՀ պետական արժեկտրոնային պարտատոմսերի մինչև մարում եկամտաբերության կորի 6 ամիս ժամկետայնությամբ եկամտաբերությունը: Հասանելի է ՀՀ Կենտրոնական բանկի պաշտոնական կայքում <https://www.cba.am/hy/yield-curves-of-gb/> հղմամբ:
- ԱՄՆ դոլարի դեպքում ԱՄՆ դոլարով 6 ամիս ժամկետայնությամբ ժամկետային սպահովված օվերնայթ ֆոնդային տոկոսադրույք (CME Term SOFR USD 6 Month): Հասանելի է «CME Group»-ի պաշտոնական կայքում [Term SOFR - CME Group](#), «Bloomberg Terminal» համակարգում «TSFR6M», «Refinitiv Eikon» համակարգում «SR6M» հղումներով:
- Եվրոյի դեպքում Եվրոյով 6 ամիս ժամկետայնությամբ եվրոպական միջբանկային առաջարկի տոկոսադրույքը (EURIBOR 6 Month): Հասանելի է «Euribor»-ի պաշտոնական կայքում [6 months Euribor rate](#), «Bloomberg Terminal» համակարգում «EURO06M», «Refinitiv Eikon» համակարգում «EURIBOR6MD» հղումներով:

✓ **ԲՏ Երկրորդային ցուցանիշներ.**

- ՀՀ դրամի դեպքում ՀՀ առևտրային բանկերի կողմից ռեզիդենտ ֆիզիկական անձանցից ՀՀ դրամով ներգրավված 91 - 180 օր և 181 օրից մինչև 1 տարի ժամկետայնությամբ ավանդների միջին կշռված տոկոսադրույքների պարզ թվաբանական միջինը: Հասանելի է ՀՀ Կենտրոնական բանկի պաշտոնական կայքում https://www.cba.am/file_manager/Statistics_reports/mfs/14_Deposit_and_lending_rates_arm.xlsx հղմամբ:
- ԱՄՆ դոլարի դեպքում ԱՄՆ գանձապետական պարտատոմսերի եկամտաբերության կորի 6 ամիս ժամկետայնությամբ եկամտաբերությունը: Հասանելի է «U.S. Department of the Treasury»-ի պաշտոնական կայքում [Daily Treasury Par Yield Curve Rates](#), «Bloomberg Terminal» համակարգում «H15T6M», «Refinitiv Eikon» համակարգում «US6MT» հղումներով:
- Եվրոյի դեպքում Գերմանիայի՝ եվրոյով պետական պարտատոմսերի եկամտաբերության կորի 6 ամիս ժամկետայնությամբ եկամտաբերությունը: Հասանելի է «Bloomberg Terminal» համակարգում «YCGT0016», «Refinitiv Eikon» համակարգում «DE6MT» հղումներով:

Նշված հղումների փոփոխումը որևէ ազդեցություն կամ հետևանք չի կարող ունենալ **ԲՏ** հաշվարկման հարցում: Տեղեկության ստացումը մատչելի չլինելու դեպքում Բանկը վարկառուի պահանջով կտրամադրի այն՝ Բանկի և վարկառուի համար ընդունելի էլեկտրոնային կապուղիների միջոցով ուղարկելով և/կամ Բանկի տարածքում առձեռն հանձնելով:

ԲՏ-ն հաշվարկվում է որպես դրա հիմքում ընկած և կիրառվող ցուցանիշի՝ տվյալ ժամանակահատվածի վերջին 6 ամիսների պարզ թվաբանական միջին (կլորացված 0.25 տոկոսային կետի ճշգրտությամբ): Այն պարագայում, երբ **ԲՏ**-ն բացասական մեծություն է, **ՃՏ** հաշվարկման համար հիմք է ընդունվում **ԲՏ**-ի 0 արժեքը:

- Եթե տվյալ ժամանակահատվածի համար հաշվարկված և գործող **ԲՏ**-ների տարբերությունը
- ✓ կազմում է 1 տոկոսային կետից ավելի՝ ենթակա է պարտադիր փոփոխման,
 - ✓ չի գերազանցում 1 տոկոսային կետը՝ կարող է փոփոխվել:
- ԲՏ**-ն կարող փոփոխվել ավելի փոքր չափով, քան հաշվարկված և գործող **ԲՏ**-ների տարբերությունն է, բայց 0.25 տոկոսային կետից ոչ պակաս:

Երբ **ԲՏ** հիմքում ընկած Հիմնական և Երկրորդային ցուցանիշների միաժամանակ անհասանելի (չեն հրապարակվում) լինելու պատճառով՝ հաջորդ ժամանակահատվածի համար անհնարին է դառնում **ՃՏ** սահմանումը, **ՃՏ** սահմանելու նպատակով՝ Բանկը, հիմք ընդունելով ՀՀ օրենսդրությամբ սահմանված չափանիշները, **ԲՏ** հաշվարկման և սահմանման համար ընտրում է Հիմնական և Երկրորդային ցուցանիշներին համանման այլ ցուցանիշ:

- ✓ Եթե Համանման ցուցանիշին անցումը տեղի է ունենում Հիմնական ցուցանիշից, ապա **ՃՏ**-ն հաշվարկվում է հետևյալ բանաձևով՝

$$\mathbf{\text{ՃՏ}} = \mathbf{\text{ԲՏ}} + \mathbf{\text{Հ}} + \mathbf{\text{Գ}_{ՀՀ}}$$

- Որտեղ.
- ՃՏ** - ճշգրտվող տոկոսադրույք:
 - ԲՏ** - Բազային տոկոսադրույք:
 - Հ** - Հավելարդիր:
 - Գ_{ՀՀ}** - Հիմնական և Համանման ցուցանիշները ճշգրտող գործակից: Հաշվարկվում է որպես **ԲՏ** Հիմնական և Համանման ցուցանիշների միաժամանակյա հասանելի վերջին 6 ամիսների պարզ թվաբանական միջինների (կլորացված 0.25 տոկոսային կետի ճշգրտությամբ) տարբերություն:

- ✓ Եթե Համանման ցուցանիշին անցումը տեղի է ունենում Երկրորդային ցուցանիշից, ապա **ՃՏ**-ն հաշվարկվում է հետևյալ բանաձևով՝

$$\mathbf{\text{Տ}} = \mathbf{\text{Բ}} + \mathbf{\text{Հ}} + \mathbf{\text{Գ}_{ՀԵ}} + \mathbf{\text{Գ}_{ԵՀ}}$$

- Որտեղ.
- ՃՏ** - ճշգրտվող տոկոսադրույք:
 - ԲՏ** - Բազային տոկոսադրույք:
 - Հ** - Հավելարդիր:
 - Գ_{ՀԵ}** - Հիմնական և Երկրորդային ցուցանիշները ճշգրտող գործակից: Հաշվարկվում է որպես **ԲՏ** Հիմնական և Երկրորդային ցուցանիշների միաժամանակյա հասանելի վերջին 6 ամիսների պարզ թվաբանական միջինների (կլորացված 0.25 տոկոսային կետի ճշգրտությամբ) տարբերություն:

ԳԵՂ - Երկրորդային և Յամանման ցուցանիշները ճշգրտող գործակից: Հաշվարկվում է որպես **ԲՏ** Երկրորդային և Յամանման ցուցանիշների միաժամանակյա հասանելի վերջին 6 ամիսների պարզ թվաբանական միջինների (կլորացված 0.25 տոկոսային կետի ճշգրտությամբ) տարբերություն:

Ճշգրտվող տոկոսադրույքի բարձրացման և նվազեցման առավելագույն շեմը սահմանվում է +/- 2.5 տոկոսային կետ:

Ճշգրտվող տոկոսադրույքի փոփոխությունները.

- ✓ «Բնակարանային հիպոտեկային կրեդիտավորման մասին» ՀՀ օրենքով սահմանված ֆինանսավորումների դեպքում կարող են կիրառվել ոչ շուտ, քան վարկառուին տեղեկացնելուց 7 աշխատանքային օր հետո:
- ✓ Սպառողական և այլ անհատական ֆինանսավորումների դեպքում կարող են կիրառվել ոչ շուտ, քան վարկառուին տեղեկացնելուց 7 աշխատանքային օր հետո, եթե օրենքով այլ բան նախատեսված չէ:
- ✓ Կորպորատիվ վարկային պայմանագրերի դեպքում կարող են կիրառվել վարկառուի հետ կնքված պայմանագրով սահմանված կարգի համաձայն: